



江蘇省地方志編纂委員會辦公室編

江蘇歷代方志全書

99



江蘇省地方志編纂委員會辦公室編



鳳凰出版社

江蘇歷代方志全書

99

蘇州府部

ISBN 978-7-5506-2317-0



圖書在版編目（C I P）數據

江蘇歷代方志全書. 蘇州府部 / 江蘇省地方志編纂
委員會辦公室編. — 南京 : 鳳凰出版社, 2016. 7
ISBN 978-7-5506-2317-0

I. ①江… II. ①江… III. ①江蘇省—地方志 IV.
①K295. 3

中國版本圖書館CIP數據核字(2016)第131080號

書 名 江蘇歷代方志全書·蘇州府部
編 者 江蘇省地方志編纂委員會辦公室
責 任 編 輯 王 劍 王愛榮 吳 瓊 顧 娟 崔廣洲
裝 幀 設 計 姜 嵩
出 版 發 行 鳳凰出版傳媒股份有限公司
鳳凰出版社(原江蘇古籍出版社)
發行部電話 025-83223462
出版社地址 南京市中央路165號, 郵編: 210009
出版社網址 <http://www.fhcbs.com>
印 刷 揚州文津閣古籍印務有限公司
揚州市開發區鴻揚路22-2號(6幢), 郵編: 211153
開 本 889×1194毫米 1/16
印 張 3253. 25
版 次 2016年7月第1版 2016年7月第1次印刷
標 準 書 號 ISBN 978-7-5506-2317-0
定 價 79200. 00圓(全九十九冊)
(本書凡印裝錯誤可向承印廠調換, 電話: 0514-87969255)

光緒吳江縣續志(二)



(清) 金福曾 修
(清) 金吳瀾
凌 熊其英 纂
淦 等

第九十九冊目錄

光緒吳江縣續志（二）	〇〇一
乾隆震澤縣志	〇五七
震澤縣志續稿	四〇三

吳江縣續志卷三十二

藝文一

書目一

吾邑文學彬彬稱盛焉乾隆三十九年

詔收天下遺書得入

四庫者凡二十九附存者凡六十八其書如朱鶴齡張尚瑗

陳啟源輩前志載之矣顧其書或存或不存今恭依

欽定簡明日錄概錄於卷首次以附存書日後亦分爲四部

有序可發明書旨者必節錄以見梗概然無傳者多矣

春秋獻語九卷元王元杰撰

四庫全書目錄原本十二卷今後三卷已佚其書輯程子朱

子春秋之語共爲一編而以胡安國傳補所未盡安國在

朱子前而列朱子後者以程朱爲主故也

吳江縣續志卷三十二 藝文

尚書砭蔡編一卷明袁仁撰

四庫全書目錄皆糾正蔡傳之誤大抵皆引據古義以相詰

難雖不免有心立異而中其失者居多

春秋胡傳考誤一卷明袁仁撰

四庫全書目錄仁此書亦攻駁胡傳之失與陸榮書同旨其

間吹求過當者十之一二而已

論語商二卷明周宗建撰

四庫全書目錄宗建風節校校而其學則姚江之末派故此

書語不盡蘊然簡要明通之處亦足釋聚論之膠轕取其

所長而知其所短可也

尚書埤傳十七卷朱鶴齡撰

四庫全書目錄前有考異一卷辨經文同異次爲逸篇偽書

及書說餘一卷辨孔傳爲真本埤傳十五卷詮釋義理而

不廢名物訓古之學頗爲持平

禹貢長箋十二卷朱鶴齡撰

四庫全書目錄其考定禹貢山川不及後來胡渭之精核而

埤傳於毛晃程大昌傳實之書

詩經通義十二卷朱鶴齡撰

四庫全書目錄此書力駁廢序之非所採諸說於漢用毛鄭

唐用孔穎達宋用歐陽修蘇軾呂祖謙嚴粲 國朝用陳

啟源其釋音明用陳第 國朝用顧炎武

讀左日鈔十二卷補二卷朱鶴齡撰

四庫全書目錄亦補正杜預註之闕譌集舊解者十之七出

新意者十之三故以鈔名所補二卷多用顧炎武說是時

吳江縣續志卷三十二 藝文

炎武書尚未成乃據其華陰所寄之藁本也

毛詩稽古編三十卷陳啟源撰

四庫全書目錄朱鶴齡撰詩經通義啟源實佐成之然通義

兼權衆說此書訓詁一準諸爾雅篇義一準諸小序詮釋

經旨則一準諸毛傳佐以鄭箋名物則多以陸璣疏爲主

題曰稽古明爲唐以前專門之學也其堅持古義不容一

語之出入誠不免或失之拘然較諸臆斷說經則相去不

止倍蓰矣

三傳折諸四十四卷張尚瑗撰

四庫全書目錄尚瑗初受春秋於朱鶴齡作讀三傳隨筆後

漸成卷帙乃排纂而爲是書取楊雄羣言淆亂折諸聖語

爲名凡左傳三十卷公羊穀梁各七卷雖貪多務得多取

漢魏以下史書以證傳文未免龐雜而取材既廣微言大義亦往往而存

重修玉篇三十卷梁顧野王撰

四庫全書目錄野王撰唐孫強增加宋大中祥符六年陳彭年等奉敕重修以爲野王原本者誤張士俊家刊本以爲孫強本者亦誤也分部五百四十與說文數同而部母有所更易又改篆書爲隸書故所收字亦多於說文

藝林彙考二十四卷沈白南撰

四庫全書目錄本所輯類書凡二十四門此本僅刻其棟宇服飾飲食稱號植物五門所採皆諸書之有辨證者雖依文排類無所論斷而異同兼備本末悉昭開卷釐然與考證之學無異故進而列之雜考不使與摘錄字句徒供文

吳江縣續志卷三十二藝文

澤者伍也

笠澤叢書四卷補遺一卷唐陸龜蒙撰

四庫全書目錄卽所自編以叢脞細碎故名叢書其多載雜文而不及松陵集中詩亦與皮子文數同一人倡和之詩未易分甲乙雜文則日休多偉論龜蒙多小品然閑情別致亦自爲一家

甫里集十九家附錄一卷唐陸龜蒙撰

四庫全書目錄宋葉茵編龜蒙詩文繁富其成編者僅笠澤叢書松陵集頗多散佚寶佑中茵採得逸詩一百七十一首合二書所載共四百八十一首編爲十九卷而以碑傳之類別爲一卷附焉

西村集八卷附錄一卷明史鑑撰

四庫全書目錄王士禛香祖筆記稱其集二十八卷今未之見此本詩文各四卷乃其孫周所刊也鑑雖不求仕進而留心經世故集中多切於實用之文於三吳水利言之尤悉詩亦落落無俗韻

愚庵小集十五卷朱鶴齡撰

四庫全書目錄鶴齡初攻詞賦後顧炎武勸以窮經遂研精注疏故其文引據考證具有原本嘗註杜甫李商隱詩其詩格亦出入於二家

詞苑叢談十二卷徐鉉撰

四庫全書目錄鉉輯錄詞家故實分爲七類采摭頗詳惟引書不著所出是其一失朱彝尊陳維松等嘗病之鉉亦自欲添註而訖未能也

吳江縣續志卷三十二藝文

庚開府集箋註十卷吳兆宜撰

四庫全書目錄考倪瓚集有與齊學士借庾子山集書則信集在元末尙有傳本至明遂佚此本蓋從諸書鈔撮已非其舊胡渭欲爲作註而未竟兆宜採其遺稿與徐樹穀等補綴成書

徐孝穆集箋註六卷吳兆宜撰

四庫全書目錄較庚信集箋註稍略似乎未成之本然亦有足備參考者

李義山詩註三卷補註一卷朱鶴齡撰

四庫全書目錄李商隱詩舊有劉克莊張文亮二註久已散佚明末釋道源始爲作註而冗雜特甚鶴齡是編蓋因其舊本重爲補正然所採不及十之一雖徵引故實援據史

傳不及程夢星馮浩諸本之備而不以其詩爲體詞亦不
字字句句附會時事則較諸家爲善焉

四庫附存目錄

毛詩或問一卷明袁仁撰

顧氏易解一卷明顧曾唯撰

治河通考十卷明吳山撰

今文周易衍義十二卷明徐師曾撰

禮記集註三十卷明徐師曾撰

書經說義一卷明杜偉撰

易鼎三然一卷明朱天麟撰

周易通十卷浦龍淵撰

周易辨二十四卷浦龍淵撰

吳江縣續志卷三十二 藝文

易說要旨一卷李寅撰

吳江水利考五卷明沈啓撰

南船記四卷明沈啓撰

皇都水利一卷明袁黃撰

郊尉聖恩寺志十八卷明周永年撰

建文書法擬五卷明朱鷺撰

永陵傳信錄六卷明戴笠撰

百城烟水九卷徐崧撰

卓行錄四卷黃容撰

江南星野辨一卷葉燮撰

中山傳信錄六卷徐葆光撰

新嗣真詮一卷明袁黃撰

五

補計然子一卷明董漢策撰

唐類函二百卷明俞安期撰

詩雋類函一百五十卷明俞安期撰

散雋類函一百五十卷明俞安期撰

類苑瓊英十卷明俞安期撰

三才考略十二卷明莊元臣撰

漢魏別解十六卷明葉紹泰撰

學古適用篇九十一卷明呂純如撰

吳郡法乘十二卷明周永年撰

長松茹退二卷明釋眞可撰

類音八卷潘耒撰

脈脈八卷續編四卷鈕琇撰

吳江縣續志卷三十二 藝文

半江集十五卷明趙寬撰

恭肅公集十六卷明周用撰

文體明辨八十四卷明徐師曾撰

陽明要書八卷附錄五卷明葉紹禹撰

評註八代文宗八卷明袁黃撰

雅宜集十卷明王寵撰

禹川集五卷明周大章撰

度曲須知二卷明沈龍綬撰

壯游編三卷明王叔承撰

絃索辨說三卷明沈龍綬撰

吳越游八卷明王叔承撰

琴瑟集十卷明俞安期撰

六



羣賢梅苑十卷朱鶴齡撰

樂府英華十卷顧有孝撰

文通公集二十卷金之俊撰

改亭詩集六卷文集十六卷計東撰

遂初堂詩集十五卷文集二十卷別集四卷潘耒撰

臨野堂文集十卷鈕琇撰

已畦集二十一卷原詩四卷葉燮撰

秋茄集八卷吳兆騫撰

柳塘詩集十二卷吳祖修撰

玉臺新咏箋註十二卷吳兆宜撰

林下詞選十四卷周銘撰

古今詞話六卷沈雄撰

吳江縣續志卷三十二 藝文

以上入

四庫者二十種附存者五十八種前志皆載

儀禮小疏一卷沈彤撰

四庫全書目錄形取儀禮士冠禮士昏禮公食大夫禮喪服

士喪禮五篇爲之疏箋各數十條又各爲監本刊誤末附

左右異尙考一篇攷證明確

周官祿田考三卷沈彤撰

四庫全書目錄形因歐陽修有周禮官多田少祿且不給之

疑故詳究周制以與之辨凡官爵數公田數祿田數三篇

積算特爲精密

春秋左傳小疏一卷沈彤撰

四庫全書目錄形補杜注之遺其稿未成祇一卷是時惠棟

左傳補註一書尙未出此書疑棟亦未見故兩不相謀而各有所得云

果堂集十二卷沈彤撰

四庫全書目錄形穿穴經學精於考證集中釋經之文多補

註疏所未備雜文亦皆爾雅深厚語有本原

神農本草經百種錄一卷徐大椿撰

四庫全書目錄大椿於神農本經採取百種各推闡其主治

之所以然有常用之藥而反不收入者凡例謂辨明藥性

使人不致誤用非備品以備查閱也

蘭臺軌範八卷徐大椿撰

四庫全書目錄大椿持論以張機諸方爲主唐人所傳有合

有不合宋以後彌失古法故所採古方爲多疏通證明具

吳江縣續志卷三十二 藝文

有精理

傷寒類方一卷徐大椿撰

四庫全書目錄講傷寒論者如聚訟大椿以爲張氏非依經

立方之書乃救誤之書當時隨證立方本無定序但使方

以類從證隨方註使人知按症以求方而不必循經以求

症雖未必合張氏本意亦芟除葛藤之一道也

醫學源流論二卷徐大椿撰

四庫全書目錄其大綱凡七其子目凡九十有三指摘醫家

利弊言多精鑒

道德經註二卷陰符經經註一卷徐大椿撰

四庫全書目錄其凡例詆譏河上公王弼諸家未免已甚其

謂老氏之道在六經以上亦屬偏見其所註則實簡而明

四書講義十六卷沈祖惠撰

長洲沈德潛序自前明以四子書命題取士 國朝因之
夫以孔會思孟四聖賢之書後世學者附之以立言可謂
尊矣或者又謂實敗壞人才豈不以徒拾濂洛關閩之餘
游而迄無心得甚或并求如是不可得噫若斯其敝也在
學者苟且速化不能好學深思而心知其意講說之陋無
以貫穿乎六經仁義之旨自有明定陵之季曲說繁興百
餘年來體注之盛行久矣吾從子虹舟之爲制義也所謂
修辭立誠而言有物者也人愛重其文訖不能掇拾其一
字此之謂心得既而病蒙存淺說之支離庸妄及大全諸
家之所營萃究無所折衷以要於簡約乃一空諸說而自
爲之以一洗訓詁之習問亦有以補朱子所未及蓋以經

吳江縣續志

卷三十二

藝文

九

之一字云

尙書小疏一卷沈彤撰

三經附義六卷李重華撰

詩傳叶音考六卷吳起元撰

釋骨一卷沈彤撰

明湖讀畫錄一卷月湖賸藁四卷王樑撰

書隱叢說二十卷袁棟撰

沈德潛序

陳祖范序

阮學濟序

蔡寅斗序

自序甚矣著述之難也六經而下自周秦漢魏以來諸子
代興百家並作大約不失之於偏頗卽失之於奇詭不失
之於纖末卽失之於膚陋談理者往往以私智穿鑿爲能
不則街談巷議耳所以偏者失其中詭者失其正識者失
其大庸者遺其精也余束髮受書自中年以往輒肆力於
經史百家之言仰思天道之遙俯觀人事之繁成辨惑論
數卷世人有惑者則大辨之有小惑者則小辨之而未
暇成也其議論考據辨駁援引總期解世之惑而已近日
說部書益衆惟顧亭林先生日知錄出一洗說部之陋宋
吳江縣續志

卷三十二

藝文

十

以上入

四庫者九種附存者七種前志未載

吳江縣續志卷三十三

藝文二

書目二

昏禮集傳一百卷顧我鈞撰

自序禮經之文有用之王朝者焉有用之侯國者焉有用之鄉邑者焉其最下乃達士庶難曰禮儀三百其爲上下同之者冠昏喪祭之外無他矣三代後冠禮久廢近世以來公卿大夫皆不立廟但行薦寢之禮況士庶乎則所行惟昏喪二者而已夫昏喪二禮固人道之終始也不有昏禮何以正始而綿繼嗣不有喪禮何以正終而伸誠信余以搗味竊慨世之不能行也嘗思專取二禮條列經文考求註義參以諸經及子史百家之書蓄其行事綜其議論使法戒並存得失共見足以折衷古今而要之亦不拂乎

吳江縣續志卷三十三 藝文

宜俗既得徐氏讀禮通考讀之慨然曰是真先得我心者喪禮無煩更作矣於是獨取昏禮創立門類合羣書而採輯之功未及半會以試事入都客吾師秦味經先生寓沽一門萬不如五禮並輯之博而精然五禮之書雖欲與徐氏合而爲一其體例終不能與喪禮準又所採但及經史與余書亦有大槪不侔者歸後復事編摩都爲百卷雖採輯之博案斷之精度不能與徐氏爭勝然是非法戒備矣區區之誠所樂與讀書講學之士共考求而審擇之也

四書質疑潛起撰

三傳谿毛 爲人後考顧我鈞撰

禮記類謀三十六篇袁棟撰

自序禮記乃諸弟子雜述見聞及漢儒采摭而成自大戴刪古記爲八十五篇小戴又刪爲四十六篇漢儒增入樂記月令明堂位遂爲四十九篇宋時取大學中庸列入四書止存四十七篇先儒謂禮記爲儀禮之傳非也記中論喪都與儀禮近其論冠昏與祭是義不是儀其餘有制度有通論與儀禮全別要之儀禮是禮而禮記爲道耳其書如郊特牲雜冠禮昏禮雜記中亦不盡喪禮以及內則檀弓喪服記諸篇多雜越失次唐開元中通事舍人王巖上疏請改撰禮記不果朱子編校儀禮經傳通解取戴記附於儀禮且輔以他篇之文元吳草廬爲禮經纂言取本文參互考訂以類相從惜不載全經棟不揣固陋宗述朱子及草廬之意取而更定之間附以已意句之可附者附之

吳江縣續志卷三十三 藝文

章之可類者類之篇之可合者合之前後之可釐正者釐正之其篇次目錄亦略爲更定列爲三十六篇名曰類謀以他經而論易之爻象以散附則散附之書之武成可考定則考定之大學之次序可正定則正定之即以禮記而論大戴八十五篇小戴可刪則刪之樂記月令明堂位漢儒可增則增之大學中庸宋儒可表出則表出之安見鄙見之必戾於聖人乎世有朱子當質之以爲何如也

四書補音袁棟撰

四書圖周孝均撰

四書卮言五卷金學詩撰

自序經宋儒表章而發明之至朱子章句集註而大備大義微言扶摘無遺緒士髦翫入學至於老菴競競焉奉一

先生之訓束以繩尺一道同風之治疇與盛矣蓋注疏諸家選有授受訓詁多牽率而不貫于理自有朱子始撥雲霧而覩青天然當著書時自云本之注疏參之釋文採之儒先則筌蹄所在未可廢也課徒之暇取舊說之異于朱註及後儒議論有足廣見聞者竝錄之其或疑義所存參以鄙見亦附載以質高明所以備觀于得失之林而深究其醇疵之致非敢謂章句集註有不醕不備之憾也

漢書說十卷費錫璜錢塘沈用濟同撰

四書合關陳文炳陳綸同輯

大學合抄陸燿撰

春秋說疑續周存撰

毛詩音訓 周禮注顧佑行撰

吳江縣續志卷三十三 藝文

四書大全續編 書解葉丹桂撰

四書集註箋疏陳士任撰

易要 詩譜任思謙撰

任氏述記五十六篇任兆麟撰

長洲褚寅亮序記錄之書曷昉乎昉諸七十子之徒禮古記百三十一篇載漢志者是已近世唯肆小戴氏所傳其他道文軼典流傳至今者舉勿考也任太學文田嘗依朱子與呂伯恭論定禮記編次分爲五類集儒先之說而注之又編錄三代兩漢遺書首夏小正爲敬時大法丹書實傳心典弟子職教學之則小爾雅訓詁之遺司馬法軍禮之經曾子立言清實樂記闡義精微以暨伏生書大傳韓生詩外傳大戴氏禮記董子說春秋晉六經流別也而文

字爲經藝之原養教爲生民之本故以許氏說文荀氏漢紀終焉凡五十六篇曩者董蔗林尙書貽余曰文章唯讀周秦漢經術兼通天地人良自慚慙今當書以移贈於縉錄是書之惜尤有當云

心齋十種夏小正補注 石鼓文集釋 孟子時事略 弦歌古樂譜 綱目通論 尸子 四民月令 襄陽舊舊

記 文章始 壽者傳任兆麟撰

孝經本義 尙書古文敘錄 毛詩通說 春秋本義 朱

子粹言 聲音表任兆麟撰

弦歌古樂譜

吳縣潘奕雋序余少好琴習數引比長奔走南北盡忘之疑古人無故不撤豈人人習爲絳注吟揉而又未收決其

吳江縣續志卷三十三 藝文

必不然也癸卯夏任子心齋手一編見示悟古人制作無不任天地之自然其委曲繁重皆後起之數也任子之言

皆折中先儒確有依據由其說將吾儒誦讀之暇人人可以拊冰絲作一再引於以陶寫心性歌咏太平琴學之興

正在今日嗚呼豈不休哉

夏九州經界疏證一卷任鶴壽撰

自序堯典言舜肇十有二州冀沅青徐揚荆豫梁雍見於禹貢其餘三州不可得聞馬融鄭元王肅咸謂舜以青州

越海而分齊爲營州冀州南北太遠分爲并州燕以北爲幽州此徒見爾雅釋地有幽營周禮職方有幽并遂取

以補十二州之名非他有所據也墨子兼愛篇禹治天下西爲西河漁竇以泄渠孫皇之水北爲防原派注后之即

庫池之寶瀧爲底柱繫爲龍門以利燕代胡貊與西河之民西河在雍州東底柱在冀州南此治雍冀二州也又云東方漏之陸防孟諸之澤灑爲九澮以觀東土之水以利冀州之民孟諸明都也在豫州東九澮九河在沅州西東土謂之青州中土謂之冀州此治豫沅青三州也又云南爲江漢淮汝東流之注五湖之處以利荆楚於越南夷之民江漢發源於梁經流於荆淮在徐揚之間汝白潒而入揚五湖在揚此治梁荆徐揚四州也漁寶疑卽夏陽之龍門山陸防疑卽鉅鹿之大陸澤此猶易兄者也其疑而莫定者說文解字派水起雁門後人戍夫山東北入海意卽所謂派注與漢書地理志金城郡臨羌縣湟水所出東至允吾入河意卽所謂孫皇之水與北山經敦與之山泝水

吳江縣續志卷三十三 藝文

五

出于其陰而東流至于彭水意卽所謂后之邸與夫墨子所述只九十九言而讀之者疑義有五其何以定夏九州之經界乎然古人畫州分界無不因乎山川之大勢則禹貢之山水澤地俱在可約而得豫州居中其餘八州鄰於四裔沈青徐之東以渤海瀋水東海爲界揚荆梁之南以南海衡陽瀘水爲界梁雍之西以岷山黑水爲界雍冀之北以豬野雁門爲界近代言禹貢者必東極朝鮮南踰嶺嶠西跨壺臺北抵沙漠荒遠無憑豈夏王則壤成賦之指哉

夏九州分土疏證一卷 汪鶴壽撰

自序昔者堯爲天子於是天下廣狹險易遠近始有道里然非堯爲之乃禹爲之也禹平水土在唐堯七十有一載

隨刊所至悉紀其道里故水經廬江水注云廬山之南有大禹刻石志其丈尺里數夫里有以徑直言者有以積方言者山海經自招搖之山以至箕尾之山二千九百五十里又曰天下名山五千三百七十居地六萬四千有五十里賦納總二百里納銓三百里納結四百里粟五百里米以積方言也然徑直之里與積方之里非有二也大戴禮記王言篇孔子曰三步而里方里而井本作而井千步蓋誤三井而句烈三句烈而距蓋指積方之里也又曰五十里而封百里而有都邑蓋從積方之里以推徑直之里也今之考象緯者咸曰在天一度在地二百里按里差以分節氣無不吻合其法以百有八十丈爲里是卽三百步而里之古法

吳江縣續志卷三十三 藝文

六

六尺爲步十尺爲丈古今所同故里法亦同設有不同則據地之經度以候時之早晚必有不合者矣余故據今府州四至之里數以核夏九州之里數除沅州東境之淪於海者凡積千一百三十八萬七千三百七十九里開方之得三千三百七十四里有半少強餘百二十九里此就何候綏三服計之書稱至於五千則兼要荒二服言之是爲泛域之大數王肅謂大地執平原甚少山川所在不啻居半賈公彥亦云東都三面山林雜今唯三分去一豈有二分平地今卽禹貢九州積數首除名山大川次除山澤邑居其餘五百二十萬六千六百九十里山林陂澤京陵瀆齒縣源假豬居其半原防隰皋沃衍居其半是爲民田之大數

殷九州經界疏證一卷 汪鶴壽撰

自序太史公作夏本紀錄禹貢全文及至作殷本紀則於九州之分合無一言及之豈商家之圖籍罕有存焉者耶然即其敘事所及因以知王畿有七焉曰南河曰西河曰東河曰相曰邢曰河南曰河北侯國有十一焉曰葛曰周曰九曰鄂曰崇曰飢曰微曰箕曰有莘曰昆吾曰三豎地名有十二焉曰鳴條曰秦卷曰桐宮曰傅險曰北里曰沙邱曰羗里曰洛西曰盟津曰牧野曰有城之虛曰河渭之間水道有四焉曰江曰沂曰河曰淮爾雅釋地所載九州冀豫雍荆揚沅徐幽營太史公不採入本紀則未嘗以為殷制也李巡孫炎郭璞諸家見禹貢有青梁無幽營周禮有幽并無徐營而遂斷以為殷制此亦或然或不然之事矣然而世易千年人經數聖必欲舍爾雅以求殷制其他更何所據今試取史記以釋爾雅猶可得殷九州之大略也本紀言東為江北為沛西為河南為淮江之合漢在荆故漢南曰荊州也江之入海在揚故江南曰揚州也沛之會汝在徐故沛東曰徐州而沛西則沅州沛南則營州也河入塞在幽州之西而淮為徐州之水渭與洛為雍州之水也本紀又言湯居南薄從先王居西薄盤庚遷河南皆在豫州仲丁遷厥在沅州河亶甲居相祖乙遷邢武乙徙河北皆在冀州若夫葛伯有莘國於豫西伯崇侯國於雍三豎國於沅九侯鄂侯飢氏微子箕子昆吾國於冀鳴條之奔徐地也桐宮之放豫地也秦卷之歸沙邱之戲沅地也敗有城築傅險舞北里拘羗里會盟津昔牧野冀地也武乙獵河渭之間文王獻洛西之地雍地也然則商家之圖

籍雖亡而以釋地之九州為之經殷本紀之王畿侯國地名水道為之緯星羅而棋布之亦可以了如指掌矣

殷九州分土疏證一卷 迺鶴壽撰

自序殷人之言積方詩有明徵元鳥稱邦幾千里維民所止肇域彼四海鄭康成謂肇當作兆王畿之內其民居安乃後兆域正天下之經界元鳥裕高宗之詩也高宗都西薄即今河南府偃師縣規方千里以為甸服則必東至歸德府睢州西至陝州靈寶縣南至南陽府南陽縣北至潞安府潞城縣始盈此數然後推及四海以成五服然其間自有變通之法非必整方如棋局也王制作於漢文之世而前儒皆以為殷制其述民田之大數則曰凡四海之內斷長補短方三千里為田八十一萬億畝原本八十下此重萬億二字合可壘不可壘之地言之也其述區域之大數則曰自恆山至於南河千里而近蓋割冀州之南以為北境自南河至於江千里而近蓋割雍州之全以為南境自東河至於西河千里而近蓋割雍州之東以為西境此為王畿言之也自江至於衡山千里而遙荆揚二州在其中自東河至於東海千里而遙沅徐營三州在其中自西河至於流沙千里而遙幽州在其中此為侯服言之也殷九州積方之數與夏不甚相懸嘗以今之輿地推之凡積千五百萬六千二百六十五里開方之得三千二百四十九萬里少強餘二百六十六里其中可食之地不過四百九十萬二千六百有五十里乃知王制所謂海內為田八十一萬億畝實兼山林川澤焉而其外尚有四裔遠服總而計之至於五千故曰

西不盡流沙南不盡衡山東不盡東海北不盡恆山此亦如禹貢以甸侯綏三服爲則壤成賦之區而要荒二服則聽夷狄戎蠻居之也古人言西則兼北海內西經稱流沙出鍾山卽今山西甘肅塞外之陰山其地常雍州之北幽州之西尙書所謂流沙形如月初生五日也

周九州經界疏證一卷述鴛壽撰

自序余讀鄭氏詩譜竊怪其譜耶郿衛也胡弗云其封域在職方冀州河內之地北踰漳水東及沅州河東之境其譜檜鄭也胡弗云檜在職方豫州樊雒之間宣王封母弟友於鄭在華山以西北其子武公國於新鄭在圃田以西焚水以南乃猶取證於禹貢之山水澤地何其疏於地利若此及觀班氏地理志於揚州曰會稽在山陰具區澤在

吳江縣續志卷三十三 藝文

九

吳北江在毗陵中江出蕪湖南江在吳於荊州曰衡山在湘南雲夢澤在華容江水出潯氏道漢水在武都潁水出陽城於豫州曰太華山在華陰圃田澤在中牟狼湯渠首受沛東南至陳入潁雒水出上雒而東南正南河南之三州畢舉矣於青州曰盟諸澤在睢陽淮水出平氏泗水出卞沂水出蓋術水出東莞於沅州曰岱山在博大壘澤在鉅野河水至章武入海沅水至琅槐入海雷澤在成陽於雍州曰吳山在沂涇水出涇陽萬水出汴渭水出首陽洛水出歸德而正東河東正西之三州畢舉矣於幽州曰無慮縣在遼東奚養澤在長廣灤水出葉蕪時水出博昌於冀州曰霍太山在薺清漳出沾汾出汾陽濁漳出長子於并州曰恆山在上曲陽昭餘祁在鄆唐池河出南城滌水

出靈邱涑水出廣昌易水出故安而東北河內正北之三州畢舉矣其有不備者五湖聯於具區湛水歸乎淮浦波分自雒澁流及漢沂水可以賅沂山雷澤可以賅雍水太華可以賅揚紆此班氏之省文也河沂又爲幽州川在干乘勃海漁陽之東漢時已淪於海故班氏亦不之及非蒙上沅州文也班氏謂去先王之蹟既遠地名又數改易是以采獲舊聞考蹟詩書推表山川以綴禹貢周官春秋下及戰國信哉斯言賢於鄭氏詩譜多矣

周九州分土疏證一卷述鴛壽撰

自序鄭康成王制注武王初定天下九州之界尙狹也周公攝政致太平斥大九州之界孔仲達疏斥大謂開斥廣大於先中國方三千里今方七千里夫周之天下卽夏殷

吳江縣續志卷三十三 藝文

十

之天下安所得七千里而斥大之夏官大司馬以九畿之籍施邦國之政職方千里曰國畿卽禹貢所謂甸服也其外面各二百五十里侯畿甸畿卽甸服也男畿采畿卽綏服也衛畿蠻畿卽要服也夷畿鎮畿卽荒服也合之亦方五千里唯蕃畿在五服外多於夏殷五百里秋官大行人九州之外謂之蕃國世一見其於夏殷亦通職貢特未列諸五服中耳余嘗據今圖志以推周九州之積數凡千有四十一萬有百四十九里開方之得三千二百二十六里有半少弱里四分之三乃知鄭孔之說不足據又以今省會所分之界限徵之直隸居北以保定爲省會北界長城南界蘭陽相距千六百二十八里於周爲并冀二州地其南河南以開封爲省會北界成安南界黃安相距千二

百九十里於周爲冀豫揚三州之地又南湖北以武昌爲省會北界維山南界臨湘相距六百八十里又南湖南以長沙爲省會北界監利南界連州相距千一百五十里於周爲揚荆二州地通計四千七百四十八里而自成安至鄖陽大牙相錯尙有三百六十里然則周之天下止有五千餘里益可信矣昔在漢武窮兵黷武悉舉蠻夷而郡縣之故漢志稱東西九千三百有二里南北萬三千三百六十八里也漢雁門郡當周并州北境而續漢志稱在維陽北千五百里漢長沙國當周荆州南境而續漢志稱在維陽南三千八百里南北相距五千餘里是卽周九州之界限自雁門以北長沙之南非周九州之所轄也

孟子正經界班爵祿兩章疏證一百二十卷 汪鶴壽撰

吳江縣續志 卷三十三 藝文 十二

韻字急就篇十卷 汪鶴壽撰

讀易漢學私記二卷 讀易啟蒙二卷 周易集義 周易

正義舉正 周易本義箋 明堂圖考一卷 考工記拾遺一卷 詩說一卷 陳壽熊撰

易圖貫義周珣撰

三傳匡謬 讀左尺見趙振業撰

詩考異再補 說文通正二卷 陳岫撰

春秋地理志今釋 鄭瑣撰

漢易彙圖 春秋經釋 音律考 錢泗陽撰

鄉黨圖考補正 汪愛蓮撰

答疑孟 正朔考 陳鍾英撰

毛傳詩箋異義解 沈錦撰

讀三經筆記一卷 讀詩筆記一卷 沈曰富撰
春秋輿地譜 春秋氏族譜 春秋年表 詩經音韻
又考略 陳忠恕撰

吳江縣續志 卷三十三 藝文 十三

吳江縣續志卷三十四

藝文三

書目三

吳江縣志五十九卷

知蘇州府事三韓傳椿序

知吳江縣事衡陽丁元正序

知吳江縣事滇南陳葵縷序

震澤倪師孟序

沈彤序彤始建議今縣與舊縣全半不同吳江志於全縣時之事與人宜悉載既分乃列其屬今縣者倪先生謂宜卽割存之地總今昔之事與人爲之而於震澤置縣前考其地所有而追築焉使兩志可離可合丁公因語彤斷以地并斷以時者義周專以地斷者法徑今將與震澤志相

吳江縣續志卷三十四 藝文

一

出入其從徑者故茲志於分縣前之事與人自賦役官制外並卽今所存地編纂而不悉載凡十類九十七篇

震澤縣志三十九卷沈彤撰

知蘇州府事三韓傳椿序

知震澤縣事樂城陳志和序

震澤倪師孟序

沈彤序

松陵所見錄周汝翼撰

山東運河備覽陸燿撰

沿革表自序運河歷代經營之蹟與建置先後散在簡冊豈能責人以徧觀卽備考所書沿革源流已屬簡便易知而上下五百餘年縱橫一千餘里非素有全局在胸猶執

卷而未免茫然也茲爲年經事緯羅列於篇可以因黃運相關之勢而知古人奏績之難考牘漕遞變之形而見古人施功之序起元至元十六年者重是年爲元始一統之年也

職官表自序漕河經始官無定員明初或以工部尙書侍郎侯伯都督提督運河自濟甯分南北界或差左右通政少卿或都水司屬分理又差監察御史錦衣衛千戶等官巡視其運河牘泉或以御史或以郎中或以河南按察司當理後止設主事三年一代然俱爲漕運之河不爲黃河也惟總督河道大臣則兼理南北直隸河南山東等處黃河自明成化宏治間始或以工部或以都御史駐劄濟甯

吳江縣續志卷三十四 藝文

二

國朝康熙十六年以後江南工程緊要移駐清江浦雍正七年分設總河駐清江者專管江南河道駐濟甯者專管河南山東黃運兩河加兵部尙書都察院右都御史銜十年又添設副總河旋罷其濟甯管河兵巡道設於前明隆慶年間然南旺甯陽夏鎮張秋臨清等處各有分司自分司裁革河道牘泉併濟甯道管理康熙十九年改爲通省河道乾隆元年加兵備銜凡院道以至丞倅等官題名碑記不能全無訛漏自元迄今差遺督治諸臣不係專官事蹟卽已其間姓名湮晦勞績罔聞者多矣茲據元明諸史志悉爲羅載而仍錄全河備考以資考證庶幾展卷瞭然云

泗河慶河道自序山東運河由江南下邳梁王城至黃林